

— 364 —

stete vnd veste belibe, als vorgeschriben stat, an alle geuerde. Vnd des zuo einem offen vrkünde han wir ouch alle disen brief mit vnsern eigenen ingesigeln besigelt. Dis geschach vnd wart dirre brief gegeben zuo Friburg, in dem iar, do man zalte von gottes gebürt, drüzechenhundert iar vnd sechs vnd vierzig iar, an dem nehsten samstag vor sant Mathys tag des zweilfbotten.

CLXXXVIII.

### Hoffstätte der Karthäuser am St. Johannesberge.

(28. Juni 1346)

Wir Johans Eneweli, ritter, burgermeister, vnd der rat gemeinlich zuo Friburg in Brisgöwe, tuont kunt allen den, die disen brief sehent oder hörent lesen, das wir durch vnserer, vnd vnser vordern, vnd nachfomen selen heiles willen, lutterlich durch got gegeben hant, dem prior vnd den brudern der karthuser vnd karthuserordens, ein hoffstatt bi vns in dem Müspach die sü genemet hant sant Johans des Toufferberg, obwendig der brugg als der spiz uff gat, beidersit zwüschent dem graben vnz da die lachen stant, ane alle geuerde. Vnd habent ouch dieselben brudere, so da sitzen vnd da siken werdent, empfangen, vnd genomen in vnsern getrüwen schirme, ane alle geuerde, durch got, das sü vnser vordern vnd nachfomen gedenkent gen got, vnd für vns bittent. Bedörffent sü ouch deheines wassers, das sü in die hoffstatt gelegen mögent, das hant wir inen ouch gegönnet vnd gönnet mit disem brief. Harüber zuo einem offen vrkünde, das es war vnd stete belibe, so ist dirre brief mit vnser der vorgenant stette ze Friburg gemeinem ingesigel besigelt. Dis beschach vnd wart dirre brief gegeben, zuo Friburg in dem rate, da man zalt von gotes geburt drüzechen hundert vnd sechs vnd vierzig iar, an der nächsten mittwochen nach sant Johans tag des touffers zuo sungihten.

Nro. CLXXXVII. und CLXXXVIII. nach Abschriften.